



XALQ DEPUTATLARI SURXONDARYO VILOYATI KENGASHINING QARORI

Termiz shahri, At-Termiziy ko'chasi 1-uy. 190100, tel: (76) 224-12-30, (76) 224-03-94, (76) 221-74-81

2021 йил «27» август

VI-35-80-8-0-K/21

Сурхондарё вилояти ҳокимлиги

O'zbekiston Respublikasi Prezidenti Sh.M.Mirziyoyev rahbarligida 2021-yil 28-iyul kuni kengaytirilgan tarzda o'tkazilgan "Nogironligi bo'lgan, ota-ona qaramog'idan mahrum bo'lgan hamda yetim bolalarni davlat tomonidan qo'llab-quvvatlashning yangi tizimini joriy etish, shuningdek, ijtimoiy nafaqalarni takomillashtirish chora-tadbirlari to'g'risida" 39-son yig'ilish bayonining 20-bandi ijrosini ta'minlash haqida

Bugungi kunda viloyatda ota-ona qaramog'idan mahrum bo'lgan 17 nafar bolalar oilaga tarbiya (patronat)ga olinib, o'z tarbiyasiga olgan tutingan ota-onalarga har oylik nafaqa puli to'lab kelinmoqda.

Shuningdek, mazkur bayon asosida Termiz shahridagi 12-son Mehribonlik uyi O'zbekiston Respublikasi Xalq ta'limi vazirligi tizimidan chiqarilib, idoraviy boshqaruv asosida Milliy gvardiya tizimiga o'tkazilib, ushbu muassasada tarbiyalanuvchilarning ta'lim-tarbiya olishlari uchun qulaylik yaratish maqsadida 12-son Mehribonlik uyiga Termiz davlat universiteti va Toshkent davlat Texnika universiteti Termiz filiali birlashtirildi. Bundan tashqari, otaliqqa olish amaliyoti joriy etilib va bunda Chegara qo'shinlari Surxondaryo viloyati Termiz shahri 12-son Mehribonlik uyiga mas'ul etib belgilangan.

O'zbekiston Respublikasi Prezidenti Sh.M.Mirziyoyev rahbarligida 2021-yil 28-iyul kuni kengaytirilgan tarzda o'tkazilgan "Nogironligi bo'lgan, ota-ona qaramog'idan mahrum bo'lgan hamda yetim bolalarni davlat tomonidan qo'llab-quvvatlashning yangi tizimini joriy etish, shuningdek, ijtimoiy nafaqalarni takomillashtirish chora-tadbirlari to'g'risida" 39-son yig'ilish bayonining 20-bandi ijrosini ta'minlash maqsadida xalq deputatlari Surxondaryo viloyati Kengashi **qaror qiladi:**

1. O'zbekiston Respublikasi Prezidenti Sh.M.Mirziyoyev rahbarligida 2021-yil 28-iyul kuni kengaytirilgan tarzda o'tkazilgan "Nogironligi bo'lgan, ota-ona qaramog'idan mahrum bo'lgan hamda yetim bolalarni davlat tomonidan qo'llab-quvvatlashning yangi tizimini joriy etish, shuningdek, ijtimoiy nafaqalarni takomillashtirish chora-tadbirlari to'g'risida" 39-son yig'ilish bayoni rahbarlik va ijro uchun qabul qilinsin.

2. Viloyat Moliya bosh boshqarmasi (B.Xursanov):

joriy yilning 1-sentabridan oilaga tarbiya (patronat)ga olingan bolalar uchun, o'z

tarbiyasiga olgan tutingan ota-onalarga bola 18 yoshga to'lgunga qadar har oylik nafaqa pulini 1,2 mln. so'mdan to'lash bo'yicha hisob-kitob ishlarini amalga oshirsin;

zarur bo'lgan mablag'ni viloyat Xalq ta'limi boshqarmasi balansiga o'tkazib bersin.

3. Viloyat Xalq ta'limi boshqarmasi (S.Hamidova) ajratilgan mablag'ning amaldagi qonunchilikda o'rnatilgan tartibda samarali va maqsadli sarflanishini ta'minlasin.

4. Viloyat Davlat moliyaviy nazorati boshqarmasi (B.Husanov) ajratilgan mablag'larning belgilangan tartibda maqsadli sarflanishini nazorat qilsin.

5. Mazkur qarorning ijrosini nazorat qilish xalq deputatlari viloyat Kengashining Ta'lim, sog'liqni saqlash, madaniyat, sport va ijtimoiy himoya masalalari bo'yicha komissiyasi (Sh.Xolliyeva) zimmasiga yuklansin.

6. Mazkur qaror qabul qilingan kundan kuchga kiradi.

Кенгаш раиси



Bobolov T.A.